

FRAMKVÆMDARÁKVÖRÐUN FRAMKVÆMDASTJÓRNARINNAR

2013/EES/9/13

frá 26. janúar 2012

um framlengingu á gildistíma ákvörðunar 2009/251/EB þar sem þess er krafist að aðildarríkin sjái til þess að vörur, sem innihalda sæfiefnið dímetýlfúmarat, séu ekki settar á markað eða boðnar fram þar (*)

(tilkynnt með númeri C(2012) 321)

(2012/48/ESB)

FRAMKVÆMDASTJÓRN EVRÓPUSAMBANDSINS
HEFUR,

með hliðsjón af sáttmálanum um starfshætti Evrópusambandsins,

með hliðsjón af tilskipun Evrópuþingsins og ráðsins 2001/95/EB frá 3. desember 2001 um öryggi vöru⁽¹⁾, einkum 13. gr.,

og að teknu tilliti til eftirfarandi:

- 1) Í ákvörðun framkvæmdastjórnarinnar 2009/251/EB⁽²⁾ er þess krafist að aðildarríkin sjái til þess að vörur, sem innihalda sæfiefnið dímetýlfúmarat, séu ekki settar á markað eða boðnar fram þar.
- 2) Ákvörðun 2009/251/EB var samþykkt í samræmi við ákvæði 13. gr. tilskipunar 2001/95/EB sem takmarkar gildistíma ákvörðunarinnar við eitt ár hið mesta en veitir leyfi til þess að lengja gildistímann með viðbótartímabilum sem hvert um sig skal ekki vera lengra en eitt ár.
- 3) Gildistími ákvörðunar 2009/251/EB var framlengdur með ákvörðunum framkvæmdastjórnarinnar 2010/153/ESB⁽³⁾ og 2011/135/ESB⁽⁴⁾ um eitt ár til viðbótar. Eins og sakir standa er verið er að íhuga hvort varanlegt bann við dímetýlfúmarati í vörum skuli felld inn í reglugerð Evrópuþingsins og ráðsins (EB) nr. 1907/2006⁽⁵⁾. Þar sem þessi ráðstöfun mun taka á sömu vandamáli og ákvörðun 2009/251/EB skal sú ákvörðun vera í gildi, til þess að tryggja réttarvissu, þar til varanlegt bann samkvæmt reglugerð (EB) nr. 1907/2006 tekur gildi.
- 4) Í ljósi fenginnar reynslu og vegna þess að engar varanlegar ráðstafanir sem taka til neysluvara, sem innihalda sæfiefnið dímetýlfúmarat, eru fyrir hendi er nauðsynlegt að framlengja gildistíma ákvörðunar 2009/251/EB um 12 mánuði til viðbótar.

5) Breyta ber ákvörðun 2009/251/EB til samræmis við það.

6) Ráðstafanirnar, sem kveðið er á um í þessari ákvörðun, eru í samræmi við álit nefndarinnar sem komið var á fót skv. 15. gr. tilskipunar 2001/95/EB.

SAMÞYKKT ÁKVÖRÐUN ÞESSA:

1. gr.

Í stað 4. gr. ákvörðunar 2009/251/EB komi eftirfarandi:

„4. gr.

Gildistími

Ákvörðun þessi gildir þar til reglugerð framkvæmdastjórnarinnar sem breytir XVII. viðauka við reglugerð (EB) nr. 1907/2006 hvað varðar dímetýlfúmarat tekur gildi eða til 15. mars 2013, hvort heldur ber fyrir að.“

2. gr.

Aðildarríkin skulu gera nauðsynlegar ráðstafanir til að fara að ákvörðun þessari eigi síðar en 15. mars 2012 og birta þessar ráðstafanir. Þau skulu tilkynna það framkvæmdastjórninni þegar í stað.

3. gr.

Ákvörðun þessari er beint til aðildarríkjanna.

Gjört í Brussel 26. janúar 2012.

Fyrir hönd framkvæmdastjórnarinnar

John DALLI

framkvæmdastjóri.

(*) Þessi EB-gerð birtist í Stjtið. ESB L 26, 28.1.2012, bls. 35. Hennar var getið í ákvörðun sameiginlegu EES-nefndarinnar nr. 196/2012 frá 26. október 2012 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, sjá EES-viðbæti við Stjórnartíðindi Evrópusambandsins nr. 6, 24.1.2013, bls. 10.

⁽¹⁾ Stjtið. EB L 11, 15.1.2002, bls. 4.

⁽²⁾ Stjtið. ESB L 74, 20.3.2009, bls. 32.

⁽³⁾ Stjtið. ESB L 63, 12.3.2010, bls. 21.

⁽⁴⁾ Stjtið. ESB L 57, 2.3.2011, bls. 43.

⁽⁵⁾ Stjtið. ESB L 396, 30.12.2006, bls. 1.